



MIKUDAGUR 25. NOVEMBER 2013
25. TÖLUBLAÐ 1. ÁRGANGUR
DAGSKRÁRBLAÐ STÖÐVAR 2

ÍSLENSKAR RÁÐGÁTUR

HELGA ARNARDÓTTIR FJALLAR UM MÁL
SEM ALDREI HAFU VERIÐ UPPLÝST Í
ÓUPPLÝSTUM LÖGREGLUMÁLUM SEM
HEFJAST Á SUNNUDAG.



FJÖRUGUR BÍLAÞÁTTUR
Á fullu gasi hefst næsta
þriðjudag.



TOUCH SNÝR AFTUR
Önnur sería dramapáttanna
Touch hefst í kvöld.



GALAPAGOS
David Attenborough
fetar í fótspor Darwins á
Galapagoseyjum
næstu mánudaga.



FRÁBÆR TILBOÐ
Í STÖÐ 2 VILD



Krakka
Stöðin




BÍÓ
STÖÐIN

GULL
STÖÐIN






THE GOODS: LIVE HARD, SELL HARD
Miðvikudag



WHAT'S YOUR NUMBER?
Fimmtudag



TAKEN 2
Föstudag



THE LINCOLN LAWYER
Sunnudag



J. EDGAR
Mánudag



HARRY BROWN
Þriðjudag



Ásgrímur Logason leikari og Friðrik Dór tónlistarmaður stýra eldhressum spjall- og tónlistarþætti á Stöð 3.

MYND/PJETUR

ÞRIÐJUDAGSPÁTTURINN MEÐ **FRIKKA DÓR**

Stórsöngvarinn Friðrik Dór stjórnar nýjum spjall- og tónlistarþætti ásamt Ásgrími Geir Logasyni leikara á Stöð 3. Fjöldi góðra gesta mætir í þáttinn.

3 ÞRIÐJUDAGSPÁTTURINN Kl. 21.10 þriðjudaga

„Við fáum áhugavert tónlistarfólk hvaðanæva úr samfélaginu í létt spjall og verðum líka með tónlistaratriði,“ segir Friðrik Dór tónlistarmaður sem stýrir glænýjum spjall- og tónlistarþætti sem fer í loftið í nóvember á Stöð 3, Þriðjudagsþátturinn með Frikka Dór.

„Í þættinum ætlum við Ási vinur minn, sem stýrir þættinum með mér, að taka nýjan vinkil á tónlistina og verðum með aðeins öðru vísi tónlistaratriði. Við ætlum líka að flækja gestina, hvort sem það eru tónlistarmenn eða aðrir gestir, í einhvers konar sketsa og grín,“ segir Friðrik og lofar góðri skemmtun.

„Við erum svo sem ekkert að finna upp hjólið en þetta verður hress og skemmtilegt. Við vinnum þættina í grunninn í stúdíói en svo er aldrei að vita nema við förum eitthvað á ferðina og sýnum þá myndir af vettvangi. Við erum á fullu að vinna þetta núna,“ segir Friðrik hress. Þetta er í fyrsta sinn sem hann stýrir sjónvarpsþætti en kappinn

er þó hvergi banginn.

„Maður er auðvitað með háar hugmyndir, sumar kannski ekki framkvæmanlegar,“ segir hann hlæjandi. „Flestar hugmyndirnar ættu samt að vera viðráðanlegar og þá ætti útkoman að vera hressilegt og skemmtilegt sjónvarpsfni.

Ætlunin er að sýna þættina fram á vorið.“

50 ÁR FRÁ DAUÐA KENNEDYS

4 THE KENNEDY DETAIL Kl. 22.10 fimmtudag

Stöð 2 sýnir hina mögnuðu heimildarmynd The Kennedy Detail annað kvöld. Myndin er byggð á endurminningum fyrrverandi leyniþjónustumanns, Gerald Blaine, sem gegndi þjónustu hjá forsetaembætti Bandaríkjanna. Nú, fimmtíu árum eftir morðið á John F. Kennedy, veita Blaine og aðrir í innsta hring leyniþjónustunnar einstaka innsýn í atburði þessa orlagaríka dags.

Myndin er byggð á bókinni The Kennedy

Detail sem Blaine skrifaði ásamt Lisu McCubbin. Í myndinni eru viðtöl við þá menn sem stóðu vörð um öryggi Kennedys. Þar minnst þeir mannsins og forsetans. Samskipti Kennedy-fjölskyldunnar við leyniþjónustumennina voru allt önnur og nánari en þeir áttu áður að venjast. Fjölskyldan lærði nöfn þeirra og kom fram við þá sem hluta af fjölskyldunni. Því var fráfall Kennedys þeim enn meira áfall en ella. Nokkrir þeirra manna, sem rætt er við í myndinni, voru á staðnum þegar Kennedy var myrtur á götum Dallas 22. nóvember 1963.



STJÚPDÓTTIR SPIELBERGS

Jessica Capshaw leikur hina einfættu Arizona Robbins í hinum geysivinsælu þáttum Grey's Anatomy. Hún er með enskugráðu frá Brown-háskóla og er dóttir leikkonunnar Kate Capshaw.

GREY'S ANATOMY
Kl. 21.05 miðvikudaga

Bandaríska leikkonan Jessica Capshaw (37) er fædd í Columbia í Missouri-ríki. Hún er dóttir leikkonunnar og framleiðandans Kate Capshaw en sú er líklega þekktust fyrir hlutverk sitt sem Willie Scott í kvikmyndinni Indiana Jones and the Temple of Doom. Þar kynntist Kate Steven Spielberg og giftist honum síðar. Þar með varð þessi heimsfrægi leikstjóri stjúpfaðir Jessicu Capshaw.

Capshaw er með enskugráðu frá Brown-háskóla. Eftir háskólanám hóf hún leiklistarnám við Konunglega listaskólann í London (RADA). Hún er hvað þekktust fyrir hlutverk sín sem Jamie Stringer í lögfræðidramanu The Practice og barnalæknirinn Arizona Robbins í Grey's Anatomy. Persóna Arizonu var kynnt til leiks í fimmtu seríu en ætlunin var að Capshaw myndi aðeins leika í þremur þáttum. Höfundur þáttanna, Shonda Rhimes, ákvað hins vegar að framlengja samning hennar út fimmtu seríu. Í sjöttu þáttaröðinni var Capshaw orðin hluti af föstum leikarahópi þáttanna.

Jessica er gift og á þrjú börn sex, þriggja og eins árs. Hún er besta vin-kona Söshu Alexander sem leikur Mauru Isles í þáttunum Rizzoli & Isles.



SÉR INN Í FRAMTÍÐINA

TOUCH
Kl. 21.50 miðvikudaga

Fyrsti þáttur í annari seríu Touch verður sýndur á Stöð 2 í kvöld. Touch eru yfirnáttúrulegir dramapættir frá höfundi Heroes með Kiefer Sutherland í hlutverki föður sem reynir að ná tengslum við fatlaðan son sinn, Jake. Móðir Jakes lést í árásinni á tvíburaturnana árið 2001 en Jake hefur aldrei sagt orð. Hann er hins vegar mjög upptekinn af tölum og mynstrum sem tengjast tölum. Þegar faðir hans uppgötvar að sonurinn getur séð fyrir atburði sem enn hafa ekki átt sér stað breytist líf þeirra svo um munar.




MÖGNUÐ NÁTTÚRA

GALAPAGOS
kl. 20.20 mánudaga

Tvö hundruð árum eftir að Charles Darwin steig fyrst á strendur Galapagoseyja fetaði David Attenborough í fótspor náttúrufræðingsins víðfræga. Stöð 2 sýnir fyrsta þáttinn af þremur í þáttaröðinni Galapagos næstkomandi mánudag.

Galapagoseyjar eru eyjaklasi undan strönd Ekvadors. Þar er fjölbreytt dýralíf og mikil náttúruvegurð sem Darwin kynnti fyrir heiminum þegar hann nýtti rannsóknir sínar þar til að sanna þróunarkenningu sína sem hann setti fram í Uppruna tegundanna.

Í þáttunum þremur kannar Attenborough lífríki eyjaklasans og skoðar hvernig það hefur haldið áfram að þróast í fullkominni einangrun. Einnig hvernig síbreytilegt landslag mótað af eldgosum hefur getið af sér dýra- og plöntutegundir sem hvergi annars staðar er að finna í heiminum. Á Galapagos er að finna þróunarsögu þar sem allt er mögulegt.



David Attenborough

EIN HARÐASTA AKSTURSKEPPNI ÍSLANDSSÖGUNNAR

Bílapátturinn Á fullu gazi hefst næsta þriðjudag á Stöð 2. Þar keppa þjóðþekktir einstaklingar í rallí, bílaáhugamenn verða heimsóttir og umsjónarmenn gera upp gamlar druslur. Fjörugir og skemmtilegir þættir fyrir alla fjölskylduna.

Næsta þriðjudag hefur göngu sína á Stöð 2 nýr og bráðfjörugur bílapáttur sem ber heitið Á fullu gazi. Þættirnir eru ólíkir hefðbundnum bílapáttum að því leyti að ekki er verið að fjalla eingöngu um nýja bíla heldur byggjast þeir á heimsóknum til bílaáhugamanna, keppni um að breyta druslu í draumaferðabíl og rallíakstur þekktra Íslendinga. Þetta eru virkilega fjörugir og skemmtilegir þættir þar sem umsjónarmenn þeirra, Sigríður Elva Vilhjálmssdóttir, fréttakona á Stöð 2, og Finnur Thorlacius, blaðamaður hjá Fréttablaðinu, visir.is og Stöð 2, gera allt sem í þeirra valdi stendur til að svala hraða- og spennuþorsta þjóðarinnar. Finnur segir þættina eðlilega byggjast á óbilandi áhuga þeirra beggja á bílum og öllu sem þeim viðkemur. „Í fyrsta þætti heimsækjum við til dæmis Bílasafnið í Borgarnesi sem er einstakt í sinni röð. Á bak við það standa nokkrir hörkuduglegir einstaklingar, þar á meðal einn kunnasti rútubílstjóri landsins, Sæmundur Sigmundsson.“ Safnið er til húsa í gamla sláturhúsinu í Borgarnesi og því má segja að ljúf olíulyktin hafi leyst gorfnykinn af hólmi. Þar má finna bíla af öllum stærðum og gerðum; fólksbíla, rútur, vörubíla og glæsibifreiðar. Allir bílar á safninu eru forn bílar og sá elsti er frá árinu 1927.

Erfitt en skemmtilegt verkefni

Í öðrum hluta þáttarins fá Finnur og Sigríður það erfiða og krefjandi verkefni að breyta algjörum bílhraejum í tvo draumaferðabíla. „Þar vinnum við hvort með sínu liðinu og fengum bara eina helgi í verkefnið. Þetta var svo sannarlega knappur tími og nánast unnið allan sólarhringinn. Við Sigríður fengum afar hæfa og skemmtilega menn með okkur í lið en fyrirfram vorum við búin að móta grófar hugmyndir um

hvernig við vildum breyta bílunum. Við vorum ekki búin að sjá bílana áður og er óhætt að segja að við höfum bæði fengið nett áfall við að sjá ástandið á þeim. En þetta var ofboðslega skemmtilegt verkefni.“

Síðast en ekki síst fá Finnur og Sigríður sextán þjóðþekktar einstaklinga til að keppa í tveggja manna liðum í rallíkrossi á rallíkrossbrautinni í Kapelluhrauni. „Það er óhætt að segja að þar hafi farið fram ein harðasta aksturskeppni Íslands sögunnar. Í fyrsta þætti leyfum við keppendum að kynna aðstæðum og bílunum. Við Sigríður prófum brautina og fáum góða aðstoðarökumenn með okkur sem eiga eftir að koma áhorfendum mjög á óvart.“

Mikið blótað

Í næstu þáttum keppa tvö lið í útsláttarkeppni og í lokapættinum stendur eitt liðið uppi sem sigurvegari. „Rallíkeppnin fékk viðurnefnið „helvítis djöfulsins“-keppnin enda komu þessi tvö orð ansi oft fyrir hjá keppendum. Það er óhætt að segja að talsvert mikið hafi verið blótað í keppninni. Í öðrum þætti mætast fyrstu tvö liðin sem eru skipuð Hermann Hreiðarssyni, fyrrum atvinnumanni í knattspyrnu, og Ragnheiði Elínu Árnadóttur, iðnaðar- og viðskiptaráðherra. Mótherjar þeirra eru Kormákur

Geirharðsson, tónlistar- og athafnamaður, og Björk Eidsdóttir, annar ritstjóri tímaritsins MAN. Áskrifendur Stöðvar 2 eiga því svo sannarlega í vændum skemmtilega og fjöruga þætti á þriðjudagskvöldum.“



GERENDUR GANGA LAUS

Óupplýst lögreglumál er ný þáttaröð í um Arnardóttur og hefst á Stöð 2 á sunnudag. Þátturinn fylgir eftir Mannshvörfum sem var á dagskrá árs. Fjallað verður um bankarán, brunamál sem aldrei hafa verið upplýst.

ÓUPPLÝST LÖGREGLUMÁL
Kl. 20.45 sunnudaga

Óupplýst lögreglumál í umsjón Helgu Arnardóttur hefst á Stöð 2 á sunnudag. Í röðinni eru sex þættir og ná málin sem fjallað er um allt aftur til ársins 1945. Til umfjöllunar eru meðal annars brunar, bankarán og morð sem aldrei hafa verið upplýst og ganga gerendurnir enn lausir. Mikil vinna liggur að baki þáttunum en Helga naut liðsinnis Brynju Daggar Friðriksdóttur sem er jafnframt framleiðandi þáttanna.

„Við vorum með nokkur mál í höndunum eins og brunana þrjá í Vestmannaeyjum í byrjun þessarar aldar og morðið á Gunnari Tryggvasyni leigubílstjóra sem er með þekktari óupplýstum málum. Svo rakst Brynja á grein um þrjú óupplýst mannlát á síðustu öld sem við ákváðum að kafa ofan í en þar er í tveimur tilfellum um að ræða mjög harðsvíraðar árásir sem leiddu til dauða fórnarlambins. Fleiri mál rak svo á fjörur okkar og að mínu mati er í raun ótrúlegt hvað þau eru mörg og að ekkert fréttist eða leki út.“

Í þáttunum er rætt við aðstandendur og vitni og skoðað hvaða áhrif óupplýst mál hafa á fólkið sem þau snerta. Þá er rætt við lögreglumenn sem hafa komið að rannsókn þeirra og kemur berlega í ljós að þrátt fyrir að lögregla hafi ekki komist á sporið er um að ræða mjög ítarlegar og umfangsmiklar rannsóknir.

„Ég hef lært það á þessari vinnu að lögreglan fær oft mjög ósanngjarna gagnrýni. Hörður Jóhannesson aðstoðarlögglustjóri hefur veitt okkur ómælda aðstoð. Þar sem málin eru enn opin komumst við ekki í nein gögn en hann hefur veitt okkur allar þær upplýsingar sem völ er á enda er það hagur lögglunnar að fólk hafi vitneskju um þessi mál og auðvitað vonast menn til þess að einhver þarna úti stigi fram. Í eldri málum fer sú von reyndar dvínandi. Þá voru aðstæður lögreglu allt aðrar og menn höfðu ekki sömu tækni. Tæknin leysir þó ekki öll vandamál sem sýnir sig í nýrri málum eins og bankaráninu í útibúi Búnaðarbankans á Vesturgötu árið 1995. Þar fundust lífsýni en það dugði ekki til.“

En hvernig ætli sé fyrir seka manneskju að ganga laus árum og áratugum saman? „Í síðasta þættinum komum við einmitt inn á það. Þar er fjallað um mál eldri manns sem fannst látinn í bragga í Kveldúlfsport í annan í júlum árið 1945. Hann hafði verið barinn fólkskulega og var ekki ljóst hvort um ránmorð var að ræða eður ei. Morðinginn fannst aldrei. Rætt er við afbrotafræðing sem segir menn sem ganga með slíkt á samviskunnri hafa þunga byrði að bera.“

Mannshvörf og óupplýst lögreglumál hafa átt hug Helgu frá því hún fjallaði ítarlega um endurupptöku Guðmundar og Geirfinnsmálsins í Íslandi í dag árið 2011 og hlaut fyrir það Blámannaverðlaun Íslands. Síðustu daga hefur frumburðurinn, sem fæddist 13. nóvember síðastliðinn, þó skyggt á allt annað. „Þetta er alveg dásamlegt og gengur eins og í sögu. Stelpurófan átti þó að vera löngu komin en ég fór heila þrettán daga fram yfir. Skírinninn og frumsýningu fyrsta þáttar verður því bara að slá saman í eitt,“ segir Helga glöð í bragði. En verður framhald á lögglupáttum? „Nei ég hugsa að ég sé að verða búin. Ætli málefni barna verði ekki næst á dagskrá.“

R USIR

msjón Helgu
ag. Þáttaröðin
gskrá í byrjun
, morð og fleiri



Helga eignaðist frumburð sinn fyrir viku. Hún mun skíra dótturina á sunnudag, sama dag og þátturinn fer í loftið.



HUGAÐ AÐ AND- LEGRI HEILSU

DOKTOR
Kl. 20.10 fimmtudag

Heilbrigð sál í hraustum líkama eru einkunnarorð næsta þáttar af Doktor með þeim Telmu Tómasson og Teiti Guðmundssyni. Þátturinn fjallar um andlega heilsu en hún er ekki síður mikilvæg en líkamleg heilsa.

„Geðraskanir er orð sem notað er yfir andlega kvilla og sjúkdóma, en einkennin geta verið misalvarleg. Rætt verður við sérfræðinga á sviði geðlækninga og sálfræði, sem skýra út mismunandi geðraskanir,“ segir Telma. „Komið er inn á þætti sem margir munu kannast við leynt og ljóst hjá sjálfum sér.“

„Við ræðum einnig við einstaklinga sem hafa glímt við alvarlegar geðraskanir og við fáum innsýn inn í líf þeirra. Rætt er við hjúkrunarfræðing sem lýsir streitutengdum ofsakvíða sem rekja má til vinnuálags, en einkennin voru fyrst og fremst líkamleg og flöggraði ekki að henni í fyrstu að huga að andlegri líðan sinni. Við ræðum einnig við ungan mann sem lýsir félagsfærni, kvíða, þunglyndi og tilraun til sjálfsvígs á þann hátt að það lætur engan ósnortinn.“

Þátturinn tekur einnig á því hvaða leiðir eru færar til að opna á vandann, en fólk er ekki alltaf meðvitað um að það sé með geðröskun. „Margir lífa því í mikilli vanlíðan án þess að koma vörnum við, en staðreyndin er sú að með rétttri meðferð er unnt að hjálpa fólki við að ná bata, þannig að það geti bætt líðan sína og lífs-gæði til muna.“



HRYLLINGUR Á ÁLFTANESINU

HEIMSÓKN
Kl. 20.10 í kvöld

„Kristín er alvöru partistelpa með diskókúlu fyrir borðstofu-ljós, svo sjón er sögu ríkari,“ segir Sindri Sindrason, sem í kvöld guðar á dyr hjá Kristínu Stefánsdóttur föröunarameistara á Álftanesinu.

„Kristín býr í svakalega skemmtilegu húsi og er snillingur í að raða hlutum saman. Stíllinn kemur úr öllum áttum og hjá henni er glys, glingur og fallegir hlutir frá aldamótunum 1800 yfir í nútímann.“

Sindra varð hreint ekki um sel í heimboði Kristínar.

„Það skemmtilegasta við heimili Kristínar er bíosalur með alvöru bíóstólum og bíóteppi. Kristín er ástríðufullur safnari hryllingsmynda og bauð mér í þvílíkan hrylling að ég




ligg enn andvaka og skelfingu lostinn á nóttunni. Því ógeðslegri sem hryllingurinn er, því ánægðari er Kristín sem horfir alltaf einsömum í rökkri bíósalarsins þegar enginn er heima,“ segir Sindri og hryllir sig.

„Það kom svo rosalega á óvart að Kristín elskar að þvo þvotta og þrifa. Þvottahúsið hennar er það háþróaðasta sem ég hef séð um dagana og þar er hugsað fyrir öllu. Mig undrar þessi þvottaáhugi margra en mér þykir fínt að skúra.“

KOLLA RÆÐIR BARNAUPPELDI

KOLLA
Kl. 20.30 miðvikudaga



Kolbrún Björnsdóttir heldur áfram með upplýsta umræðu í þætti sínum Kolla á Stöð 2 í kvöld. Umræðuefnið verður uppeldi barna og er leitast við að svara þeim spurningum sem brenna á foreldrum. María Hrönn

Nikulásdóttir sálfræðingur er gestur þáttarins ásamt Kolfinnu Bergþóru Bustos, uppeldis- og sérkennslufræðingi. Nokkrir foreldrar bera fram áhugaverðar spurningar í þættinum og leitað verður svara við þeim.

Víða hefur verið komið við í þáttum Kollu í vetur og fylgjast margir með þáttunum. Fjallað hefur verið um stjúp fjölskyldur, meðvirkni og fleira.

MYNDIR HELGARINNAR



HARRY POTTER AND THE GOBLET OF FIRE kl. 21.05 föstudag

Frábær ævintýramynd um Harry Potter sem er á fjórða ári sínu í Hogwarts og þarf að taka þátt í Þrígaldraleikunum ógurlugu, þrátt fyrir að vera undir lögaldri. Þetta fer allt að hljóma sífellt meira ógnvekjandi þegar allt bendir til þess að þessi dularfulla þátttaka Harrys gæti leitt hann til hins ógnvænlega Voldemorts, sem er talinn líklegur til að snúa aftur voldugri en áður.

BATTLE LOS ANGELES kl. 23.40 föstudag

Spennumynd frá 2011 með Aaron Eckhart, Michelle Rodriguez og Bridget Moynahan í aðalhlutverkum. Óþekkt öfl utan úr geimnum gera árás á jörðina og stráfella íbúana. Los Angeles er síðasta vígið þar sem loka-bardagi mannkynsins fer fram.



TO ROME WITH LOVE kl. 20.00 laugardag

Skemmtileg mynd frá 2012 sem Woody Allen leikstýrir auk þess sem hann leikur í myndinni. Meðal annarra leikara eru Alec Baldwin, Roberto Benigni, Penélope Cruz, Judy Davis, Jesse Eisenberg, Ellen Page og Alison Pill.

HOW I SPENT MY SUMMER VACATION kl. 21.55 laugardag

Gamansöm spennumynd frá 2012 með Mel Gibson í aðalhlutverki. Hann leikur eilífðarglæpamann sem er handtekinn eftir bankarán í Mexíkó en lífið innan fangelsismúranna í Mexíkó er alls enginn dans á rósum.



BARÁTTAN UM BÍTLABORGINA

Stórleikur helgarinnar í enska boltanum er nágrannaslagur Everton og Liverpool á Goodison Park í Liverpool. Bein útsending frá leiknum hefst á laugardag klukkan 12.35 á Stöð 2 Sport 2.

SPORT **EVERTON - LIVERPOOL**
kl. 12.35 laugardagur

Liverpool er í öðru sæti deildarinnar með 23 stig og getur komist á toppinn með sigri en Arsenal, sem er í efsta sæti með 25 stig, tekur á móti spútnikliði Southampton á laugardag klukkan 15.00. Nái Everton að sigra kemst liðið upp að hlið Liverpool með 23 stig svo búast má við að bæði lið leggi allt í sölurnar.

Steven Gerrard, fyrirliði Liverpool, veit hvers virði það er að sigra í þessum nágrannaslag. Hann ólst upp í Liverpool þar sem fólk skiptist í tvær fylkingar. Pabbi hans var Liverpool-aðdáandi en það voru harðir Everton-menn í móðurættinni. „Bróðir mömmu er mikill aðdáandi Everton og hann var með 2-3 ársmiða á Goodison Park. Hann bauð mér með á nokkra Everton-leiki og reyndi að fá mig til að halda með Everton en pabbi og bróðir minn sáu til þess að ég missti ekki áhugann á Liverpool,“ rifjar Gerrard upp. Það er oft heitt í kolunum þegar Everton og Liverpool mætast og nokkrum sinnum hefur rauða spjaldið farið á loft. Steven Gerrard er eini leikmaðurinn sem hefur tvívegis fengið rauða spjaldið í viðureignum þessara liða.

Á sunnudag eru einnig tveir stórleikir. Gylfi Sigurðsson og félagar hans í Tottenham heimsækja Manchester City en bæði lið þurfa nauðsynlega á sigri að halda til þess að halda sér í toppbaráttunni. Tottenham er í 7. sæti með 20 stig en City í 8. sæti með 19. stig. Bein útsending frá leiknum hefst klukkan 13.15 á sunnudag og strax að þeim leik loknum, eða klukkan 15.45, verður skipt yfir til Wales þar sem Aron Einar Gunnarsson og félagar hans í Cardiff City taka á móti meisturum Manchester United. Aron Einar er harður stuðningsmaður United og mætir þar „sínu liði“ í fyrsta sinn.

30.000 fréttabyrstir notendur

Smelltu þér á Fréttablaðsappið og lestu blaðið hvar sem er og hvenær sem er

Fáðu Fréttablaðið ókeypis í spjaldtölvuna og snjallsímann með Fréttablaðsappinu. Sláðu inn **Fréttablaðið** á Google Play, Windows store eða í App store og náðu í appið.

FRÉTTABLAÐIÐ

KAFFITÁR



15% afsláttur af öllum vörum.
Tilboð gildir til 30. nóvember.



15%
AFSLÁTTUR

VEGAMÓT

VEGAMÓT
RESTAURANT I BAR

35% afsláttur af matseðli frá kl. 11-16 alla mánudaga,
þriðjudaga og miðvikudaga.



35%
AFSLÁTTUR



Byrjaðu strax að spara. Skráðu kortin ykkar
núna á www.stod2.is/vild

er snilld

NÚ ENN MEIRA FYRIR ÁSKRIFENDUR

STÖÐ 2 VILD

Það eina sem þarf að gera er að skrá kreditkort heimilisins á stod2.is

LIFANDI MARKAÐUR



20% afsláttur af öllum vörum við fyrstu kaup.
10% afsláttur eftir það. Tilboð gildir aðeins í Fákafeni 11.




20%
AFSLÁTTUR

MÝS OG MENN



Borgarleikhúsið

Ríflega 25% afsláttur af miðum á fyrstu 10 sýningarnar.



25%
AFSLÁTTUR

Þú færð sjálfkrafa afslátt hjá fjölda samstarfsaðila.

1011

10%

afsláttur ef verslað er fyrir 2.000 kr. eða meira

SUSHI

12%

afsláttur ef verslað er fyrir 2.000 kr. eða meira

olis OB

Kynntu þér tilboðin á stod2.is/vild

Sækja þarf um Olís greiðslulýkil til að fá afslátt

BJÖRG

20%

afsláttur af fatahreinsun

Splash

40%

afsláttur af bílapvotti að utan

Skemmtigaðurinn

SMÁRALIND

50%



afsláttur af fjölskyldukortum Stöðvar 2

KYNNTU ÞÉR
FLEIRI SPENNANDI
TILBOÐ Á STOD2.IS

3

1.
mánuðurinn
ÓKEYPIS

Frábær dagskrá á Stöð 3



SkjárEinn
4.990
kr. á mánuði

Stöð 3 + Krakka stöðin +  = 2.990 kr. á mánuði

Trygðu þér áskrift á www.stod3.is